

Misissortinnissanik akiussutissinneqarnissanillu neqeroorutit

Meeqqavit misissorneqarnissaanut akiussutissinneqarnissanullu neqerooruteqarneq Kalaallit Nunaanni inatsimmik tunngaveqartumik minnerpaaffiligaavoq. Misissorneqarneq akiussutissisoqarnerluunniit nakorsamit meeqqerisumilluunniit isumagineqarsinnaavoq.

Pitsaaliuineranut atatillugu misissuisarneq meeqqat peqqinnartumik ineriartornissaannut pitsaernerpaamik periarfissiisuvoq.

Meeqqanut inuusuttuaqqanullu nappatsaaliiniarnermik isumaginnittuupput:

- meeqqerisoq
- nakorsaq

Nakorsap meeqqerisullu meeqqap ineriartornera peqqissusaalu malittarisarpaat.

Misissortinnerit tamaasa meeqqap ineriartornerata, peqqissusaata inuummarissusiatalu oqaloqatigiissutiginnissaannut periarfissaqarpoq.

NAALAKKERSUISUT
GOVERNMENT OF GREENLAND



Nalornissuteqarpisi?

Nakorsaq meeqqerisorluunniit sukulluunniit aperineqarsinnaapput.

2022-mi
**Kalaallit Nunaanni
pitsaaliuiniarluni
meeqqanik
misissuisarneq
akiussutissiisarnerlu**

Angajoqqaanut

Naqiterisitsisoq Peqqissutsimut Naalakkersuisoqarfik, Nunatsinni Nakorsaaneqarfik & Peqqissutsimut Pitsaaliuinerumullu Aqutsisoqarfik. Nutarterneqarpoq juuni 2022.



Pitsaaliuinarluni meeqqanik misissuisarneq

- Meeqqat ukioqanngitsuniit 6-inut ukiullit 4-niit 7-riarlutik nakorsamit misissor-neqarnissaat neqeroorutaavoq.
- Meeqqat tamarmik nappaatinut arlalinnut akeqanngitsumik nakorsamit akiussutissinneqarnissaat neqeroorutaavoq.
- Meeqqap inunngorneraniit ukioq siulleq akeqanngitsumik meeqqerisumit pulaarneqarnissaq neqeroorutaavoq.
- Nakorsamit meeqqerisumilluunniit misissortinnissaq meeqqanut atuartunut tamanut neqeroorutaavoq. Misissortinneq atualeqqaarnermi atuarunnaalerner milu nalinginnaasumik pisarpoq. Tamatuma saniatigut atuartuunerup nalaani akuttunngitsumik meeqqerisoq attavigineqartarpoq.

Meeqqassi misissortinnissaa akiussutissinneqarnissaalu pinngitsaaliissutaanngillat.

Pitsaaliuiner mi nakorsamit atuarfimmilu misissortinnissat akiussutissinneqarnissallu najoqqutasiami takuneqarsinnaapput.

Nakorsap meeqqerisulluunniit meeqqassi akiussutissinneqartariaqarnera kingunerluutaasinnaasullu pillugit annertunerusumik paasitissinnaavaasi.

Meeqqap qaqugukut misissortillunilu akiussutissinneqarnissaa najoqqutassiami takuneqarsinnaavoq. Akiussutissinneqarnerit amerlanersaat misissortinnermut ilanngunneqarsinnaapput.

Meeqqap ukiuni amerlasuuni nappaatinut illersuutissaqarsinnaanissaa anguniarlugu akiussutissat amerlanersaat arlaleriagassaasarput.

Akiussutissat ilaat ataatsikkut kapisinikkut tunniunneqartarput.

MEEQQANIK AKIUSSUTISSIINERMI NAJOQQUTASSAQ

Ukiut	Akiussusigassaq	Misissor-tinneq	Ulloq akiussutissii vik
Sap. ak. 0 (Inoorlaat)	Sakiilluut Tuberkulose Tingulluut Hepatitis B		
Sap. ak. 5		✓	
3 qaamatillit	Toqqusaarluut/difteri, noqarneq/tetanus, ilummoorneq/pertussis, nukillaarneq/polio, Haemophilus influenza type b (Hib)-infektion (Di-Te-Ki-Pol-Hib) Hepatitis B Pneumokokkit		
5 qaamatillit	Di-Te-Ki-Pol-Hib Hepatitis B Pneumokokkit		
12 qaamatillit	Di-Te-Ki-Pol-Hib Pneumokokkit Mæslingerneq, savarneq aappaluararnerlu (MFR)	✓	
4 ukiullit	MFR	✓	
5 ukiullit	Di-Te-Ki-Pol	✓	
12 ukiullit (niviasiaqqat)	HPV ¹⁾		
16-inik ukiullit (niviasiaqqat)	MFR ²⁾		

Najoqqutassaq 2022-imi marsi qaamat atuutilerpoq

- 1) Ukiup affaata ingerlanerani marloriagassaq.
- 2) Siornatigut MFR-imut akiussutissinneqarsimangitsuni.

Akiussutissiisarneq

Sakiillummut:

BCG-mik akiussutissinneqarneq sakiillummut (TB) illersuutaavoq

Tingulluummut hepatitis-B-mut akiussutissinneqarneq:

Tingulluummut tunillaassuuttumut illersuutaavoq

Di-mut,-Te-mut,-Ki-mut,-Pol-imut,-Hib-mullu akiussutissaq:

Akiussutissaq nappaatinut ataani taagukkanut illersuutaavoq:

- Difteri (toqqusaarluut navianartoq)
- Tetanus (noqarneq)
- Kighoste (ilummoorneq)
- Polio (nukillaarneq)
- Hib-sygdum (qaratsap ameraasaagut aseruuttoornerit ilaat (meningitis) torlukkullu aseruuttoorneq)

Tappiorannartunut pneumokok-inut akiussutissaq:

Akiussutissaq tappiorannartunit pneumokok-init patsiseqartumik aseruuttoornernut illersuutaavoq (qaratsap ameraasaagut aseruuttoornerit ilaannut nappaatinullu allanut).

MFR-imut akiussutissaq:

MFR-imut akiussutissinneqarneq mæslingerner-mut, savarnermut aamma qimmeralanner-mut/aappaluararnermut illersuutaavoq.

Di-mut,-Te-mut,-Ki-mut,-Pol-imullu akiussutissaq:

Toqqusaarluummut navianaatilimmu, noqarnermut, ilummoornermut nukillaarnermullu aappasaanik akiussutissiisoqassaaq.

HPV-mut akiussutissiineq:

Niviasiaqqat illissap paavagut kræfteqalersinnaanerannut kinguaasiutitigullu unngunitarnerannut illersuut.